



საჯარო სამართლის იურიდიული პირი  
იაკობ გოგებაშვილის სახელობის თელავის სახელმწიფო  
უნივერსიტეტი

საჯარო სამართლის იურიდიული პირის იაკობ გოგებაშვილის სახელობის თელავის  
სახელმწიფო უნივერსიტეტის ჰუმანიტარული ფაკულტეტის კავკასიის სამეცნიერო-  
კვლევითი ცენტრის

დ ე ბ უ ლ ე ბ ა

განხილულია აკადემიური საბჭოს სხდომაზე:

ოქმი # 2                    06.11.2015

დამტკიცებულია წარმომადგენლობითი საბჭოს სხდომაზე:

ოქმი №17                    16.12. 2015

წარმომადგენლობითი საბჭოს სპიკერი:  მანანა ლარიბაშვილი



თელავი

2015 წ.

სსიპ იაკობ გოგებაშვილის სახელობის თელავის სახელმწიფო უნივერსიტეტის  
ჰუმანიტარული ფაკულტეტის კავკასიის სამეცნიერო-კვლევითი ცენტრის  
დებულება

**მუხლი 1. ზოგადი დებულებანი**

1. სსიპ იაკობ გოგებაშვილის სახელობის თელავის სახელმწიფო უნივერსიტეტის (შემდგომში - „უნივერსიტეტი“) კავკასიის კვლევის ცენტრი (შემდგომში - „ცენტრი“) წარმოადგენს უნივერსიტეტის ჰუმანიტარულ მეცნიერებათა ფაკულტეტის სტრუქტურულ ერთეულს.
2. ცენტრი თავის საქმიანობაში ხელმძღვანელობს საქართველოს კანონმდებლობით, კანონქვემდებარე ნორმატიული აქტებით, უნივერსიტეტის წესდებით და წინამდებარე დებულებით.
3. ცენტრი თავისი კომპეტენციის ფარგლებში ანგარიშვალდებულია უნივერსიტეტის რექტორისა და ადმინისტრაციის ხელმძღვანელის წინაშე, ასრულებს კანონით გათვალისწინებულ, რექტორის და ადმინისტრაციის ხელმძღვანელის მიერ დაკისრებულ მოვალეობებს.

**მუხლი 2. ცენტრის საქმიანობის სფერო, ძირითადი ამოცანები და ფუნქციები**

1. ცენტრი მიზნად ისახავს უნივერსიტეტში სამეცნიერო-კვლევითი მუშაობის, სწავლების ხარისხის გაუმჯობესებას საქართველოს მეცნიერებათა აკადემიასთან, საქართველოს საპატრიარქოსთან, როგორც ადგილობრივ, ასევე საზღვარგარეთის უმაღლეს სასწავლებლებთან, სამეცნიერო-კვლევით ცენტრებთან ურთიერთობების დამყარების და თანამშრომლობის გზით.
2. ცენტრის საქმიანობის სფეროა თანამედროვე მონაცემების და ისტორიული გამოცდილების საფუძველზე, კავკასიის რეგიონში შემავალი ქვეყნების საზოგადოებრივ-პოლიტიკური მდგომარეობის, კავკასიაში განსახლებული ცალკეული ეთნიკური ჯგუფების, ეროვნებების, რელიგიური მიმდინარეობების და



სხვა საკითხთა ფართო სპექტრის მეცნიერულ შესწავლა, კვლევა, დამუშავება, ანალიზი.

3. ცენტრის ამოცანებია:

ა) ისტორიული, რელიგიური, ეთნოპოლიტიკური პრობლემების ურთიერთქმედების შესწავლა კავკასიის რეგიონში არსებული ქვეყნების შიდა და საგარეო პოლიტიკაზე;

ბ) თანამედროვე პერიოდში კავკასიის რეგიონში არსებული ვითარების – პოლიტიკური, სოციალური, საზოგადოებრივი და კულტურული მეცნიერული შესწავლა, კვლევა, დამუშავება და ანალიზი;

გ) კავკასიის რეგიონში განსახლებული ცალკეული ეთნიკური ჯგუფების, ეროვნებების, ისტორიის შესწავლა;

დ) კავკასიის სხვადასხვა რეგიონის მატერიალური კულტურის ძეგლების გამოვლენა-შესწავლა არქეოლოგიური, ისტორიული და ტურისტული მარშრუტების რუკების შესადგენად;

ე) კავკასიის რეგიონში განსახლებული ხალხების ზეპირსიტყვიერების ნიმუშების ჩაწერა-ანალიზი;

ვ) ცენტრის საკვლევ თემატიკასთან დაკავშირებულ საკითხებზე საჭიროების მიხედვით სოციოლოგიური კვლევების ჩატარება და მეცნიერული წრეების ინფორმირება შედეგებზე;

ზ) მეთოდური დახმარების გაწევა უნივერსიტეტის პროფესორ-მასწავლებლებისათვის სალექციო კურსების მომზადებაში, აგრეთვე ბაკალავრიატის, მაგისტრატურის სტუდენტებისათვის სამაგისტრო შრომების, საკონფერენციო თემების დამუშავებაში;

თ) სამეცნიერო კვლევითი საჭიროებისათვის გრანტების მოზიდვას სხვადასხვა დონორი ორგანიზაციებიდან;

ი) სხვა აქტივობებთან ერთად სამეცნიერო კვლევების ნაშრომების სახით მიტანა ფართო სამეცნიერო წრეებამდე;



კ) მონაწილეობა სხვა ადგილობრივი და უცხოური სამეცნიერო-კვლევითი დაწესებულებების მიერ მოწყობილ კონფერენციებში.

### მუხლი 3. სამსახურის სტრუქტურა და ხელმძღვანელობა

1. ცენტრი წარმოადგენს უნივერსიტეტის ჰუმანიტარულ მეცნიერებათა ფაკულტეტის სტრუქტურულ ერთეულს, რომელსაც ხელმძღვანელობს სამსახურის ხელმძღვანელი.

2. ცენტრის ხელმძღვანელს თანამდებობაზე ნიშნავს და ათავისუფლებს უნივერსიტეტის რექტორი. სამსახურის უფროსის არყოფნის შემთხვევაში (შვებულება, მივლინება, ავადმყოფობა და სხვა) მის მოვალეობას ასრულებს მთავარი კონსულტანტი, რექტორთან შეთანხმებით.

3. ცენტრის ხელმძღვანელი:

ა) ხელმძღვანელობს და წარმართავს ცენტრის საქმიანობას;

ბ) წარმოადგენს ცენტრს დაკისრებული უფლება-მოვალეობების განხორციელებისას და პასუხისმგებელია ცენტრზე დაკისრებული ფუნქციებისა და ამოცანების შესრულებაზე;

გ) ანაწილებს მოვალეობებს ცენტრის თანამშრომლებს შორის თანამდებობრივი ინსტრუქციის შესაბამისად, აძლევს მათ მითითებებსა და დავალებებს;

დ) უნივერსიტეტის რექტორის და ადმინისტრაციის ხელმძღვანელის დავალებით წარადგენს ანგარიშს ცენტრის მიერ გაწეული საქმიანობის შესახებ;

ზ) ორგანიზებას უწევს ამ დებულებით ცენტრისათვის დაკისრებული ფუნქციების შესრულებას, რისთვისაც წარუდგენს უნივერსიტეტის რექტორს და უნივერსიტეტის ადმინისტრაციის ხელმძღვანელს წინადადებებს ცალკეული საკითხების მოწესრიგებისა და გადაწყვეტის მიზნით;

თ) წარუდგენს უნივერსიტეტის ადმინისტრაციის ხელმძღვანელს წინადადებებს ცენტრის თანამშრომლების წახალისების და დისციპლინური პასუხისმგებლობის დაკისრების შესახებ;



ი) შუამდგომლობს ცენტრის საჭიროებისათვის მოწყობილობებისა და ინვენტარის გამოყოფაზე, რაც აუცილებელია ცენტრის წინაშე მდგარი ამოცანების შესასრულებლად;

კ) პერიოდულად ისმენს ცენტრის თანამშრომლების ანგარიშს მათ მიერ გაწეული მუშაობის შესახებ;

ლ) შუამდგომლობს ცენტრის თანამშრომლების კვალიფიკაციისა და გადამზადების თაობაზე;

მ) ახორციელებს ამ დებულებით, უნივერსიტეტის ინდივიდუალური ადმინისტრაციულ-სამართლებრივი აქტებითა და საქართველოს კანონმდებლობით განსაზღვრულ სწვა ფუნქციებსა და დავალებებს თავისი კომპეტენციის ფარგლებში;

4. ცენტრის თანამდებობებია: ცენტრის ხელმძღვანელი, მთავარი კონსულტანტი:

ა) ცენტრის საქმიანობაში მონაწილეობას იღებენ კონსულტანტები, რომელთა რაოდენობას განსაზღვრავს, ცენტრის ხელმძღვანელი უნივერსიტეტის რექტორთან და ადმინისტრაციის ხელმძღვანელთან შეთანხმებით;

ბ) კონსულტანტები ითვლებიან ცენტრის უშტატო თანამშრომლებად.

5. მთავარი კონსულტანტი:

ა) არის ჩაბმული ცენტრის მიერ განხორციელებული საქმიანობის დაგეგმვის, ასევე საქმიანობის განხორციელების პროცესში;

ბ) ახდენს ცენტრის მიერ შესასწავლი შესაბამისი საკითხების კონსულტირებას

#### მუხლი 4. მოწვეული სპეციალისტის ფუნქციები

მოწვეული სპეციალისტის ფუნქციები განისაზღვრება ინდივიდუალური ხელშეკრულებით სამსახურის საჭიროებებიდან გამომდინარე.

#### მუხლი 5. ცენტრის რეორგანიზაცია და ლიკვიდაცია

ცენტრის რეორგანიზაცია ან ლიკვიდაცია ხორციელდება უნივერსიტეტის აკადემიური საბჭოს მიერ.



მუხლი 6. დებულებაში ცვლილებებისა და დამატებების შეტანის წესი

1. დებულებაში ცვლილებებისა და დამატებების შეტანა ხორციელდება უნივერსიტეტის ჰუმანიტარულ მეცნიერებათა ფაკულტეტის საბჭოს მიერ, რომელსაც ამტკიცებს წარმომადგენლობითი საბჭო.
2. დებულება ძალაშია დამტკიცებისთანავე.

წარმომადგენლობითი საბჭოს სპიკერი:



მანანა ღარიბაშვილი